

Profísional Jurídiku Senior foti Papél Boot liutan iha Treinamentu



EDUARDO VIEGAS FERREIRA, TREINADOR PROFÍSIONAL HUSI ESKOLA POLISIA JURÍDIKU PORTUGAL, MIKIKO TANAKA, DIRETORA NASIONAL PNUD, MINISTRU JUSTISA, DIONISIO BABO SOARES, NO JOÃO JOSÉ SILVA CABAÇO, MOS HUSI ESKOLA POLISIA JURÍDIKU, KONGRATULA ADVOGADU PRIVADU JOSÉ PEDRO CAMÕES WAINHIRA KOMPLETA NIA FAZE DAHULUK HUSI PROGRAMA FORMASAUN BA TREINADORES IHA SENTRU TREINAMENTU JURÍDIKU. FOTOGRAFIA: JOANA SARAIVA/UNDP TL

Dili – Juízes Timoroan nain sanulu resin tolu, prokuradóres, defensor públika, advogadus, profesores universidade nasional no pesoál senior Ministériu Justisa (MoJ) remata ho susesu formasaun ba treinadores (ToTs) durante semana rua ne'ebé dezeñu atu fó abilidade ne'ebé presiza atu treina jerasaun foun kona-ba jurídiku profísional. Inisiativu ne'e hanesan parte husi Sentru Formasaun Jurídiku (LTC) nia esforsu atu harii kuadru ba treinadores Timoroan ne'ebé mak bele fahe sira nia koñesimentu no esperiénsia ba iha estudante Sentru nian, hodi nune'e hamenus dependénsia ba iha treinadores internacional sira.

Dezde estabelese iha tinan 2004, LTC sai responsável ba treinamentu profísional jurídiku hotu iha Timor-Leste. Tamba Timor-Leste seidak iha sistema justisa formal depoisde independensia,



*Empowered lives.
Resilient nations.*

LTC tenki depende ba asesór internasionál atu fó treina ba profísional sistema justisa nasaun ne'e nian.

“Prosesu ba harii no konsolidasaun sistema justisa mak impársial no iha konfiansa sei fó benefísiu husi kontribusaun Timor-Leste nian profísional senior jurídiku sira ne'ebé mak nia koñesimentu kona-ba realidade lokál halo sira iha pozisaun forte hodi fó asisténsia iha hanorin no transmit koñesimentu sira ”, hatete Dr. Maria Angela Carrascalão, Dekanu Fakultade Direitu iha Universidade Nasionál no partisipantes ida husi kursu jurídiku ne'e. “Ho kursu ida ne'e ami aprende tiha ona abilidade importante ne'ebé mak sei fó suporta ba progresu nasaun ne'e iha área justisa mak espesífiku no sensitivu liu.”

Treinamentu ne'e halao husi loron 2-13 Dezembru, foku liu ba iha abilidade pedagógikas mak hanesan pleamentu no estrukturaun kurríkula no klase sira, aplika métodu hanorin oi-oin, no avalia estudante no treinadores sira. Ida ne'e hanesan faze dahuluh husi treinamentu, no sei kontinua ho treinamentu barak liu tan iha tinan 2014, ne'ebé mak sei kontinua hanorin husi treinadores profísional husi Escola Polisia Jurídiku Portugal nian. Iha fulan hirak mai ne'e, partisipantes sira sei hahú atu prátika sira nia abilidade liu husi workshop no sai hanesan profesór bainaka antesde sira sai treinadóres tempu-balun iha LTC tuir sira nia área perísia.

“Tanba difikuldade iha lian Portugues, solusaun inovativu maka lori treinadores sira besik liu ba partisipantes sira nia realidade no motiva sira sein kompromete sasukat kualidade husi edukasaun ne'ebé oferese ne'ebé maka presiza hodi fasilita kapasidade iha prosesu konsolidasaun”, hatete Sua Exelénsia. Dr. Dionisio Babo Soares, Ministru Justisa.

“Nia intensaun maka Sentru Treinamentu Jurídiku bele desenvolve treinamentu mak forma profísional barak no diak liu ba setór Justisa, profísional sira ne'ebé mak iha kompetensia no komete ba kauza husi servisu públiku, iha konxienxia ba valor etíka, no hamutuk ho sentidu ba profísionalizmu no akontabilidade”, nia akresenta

Formasaun ba treinadores sira hetan suporta husi PNUD nia Programa Sistema Justisa (JSP) no lao hamutuk ho Planu Estratéjiku Setór Justisa Nasionál (2011-2030), ne'ebé mak fó prioridade ba desenvolvimentu no hasae asesu ba justisa enkuantu enfatiza katak liña funsaun tenki halao husi Timoroan sira.



*Empowered lives.
Resilient nations.*

“Treinamentu diak mak hanesan baze husi abilidade profisional jurídku”, hatete Mikiko Tanaka, Diretora Nasionál PNUD. “PNUD komete atu suporta LTC hodi dezenvolve programa hanesan ida ne’e hodi asegura katak sistema justisa iha Timor-Leste forte no independente.”

Seremónia enseramentu ba ToT mos atende husi Sua Exelénsia. Dr. José Ximenes, Prokuradór Jerál, Sua Exelénsia. Dr. Sergio Hornai, Defensór Públiku Jerál, no Dr. Duarte Tilman, Juíz Administrador Tribunal Distrital Dili.

Ba informasaun klean liu tan, favor kontaktu Joana Saraiva, Ofísial ba Komunikasaun, iha joana.saraiva@undp.org